

中華民國四年七月二號

湖南巡按使署政報處發行官書報局印

# 湖南政報

## 本報價目

- 一本報按照陽歷每日出報一本
- 一每分每月收回大洋六角
- 一零售每分銅元四枚
- 一外埠購報郵費以購報之多寡酌加
- 一夫役送報如有遺漏請即函告以便補發



## 本報緊要啟事

本報爲提倡實業起見特稟准自七月一號起仿照政府公報及各省公報例於後幅加添營業廣告一門凡各官署官私立學校與各界商民人等欲登廣告事件請查照本報登載之廣告條例至本公署政報發行所暨南門外上碧湘街皖南沈宅接洽可也特啟

### 附登廣告條例

一凡登廣告事件者須先行錄稿送經本處核定後方可照刊如屬冤洩憤與行政上有關礙抵觸之處概不登載

一凡各官署及各官有事業機關之廣告向登一日者依公布例不取刊資一日以外仍繼續登載一律收費

一凡廣告登載地位係在本報末後均用四號字如須刊大字圖畫照所佔地位面議

一告白登載三日起碼第一日每字三文第二日每字二文三日以後每字一文滿月七折一月以後六折

一凡登廣告照章先繳刊費一律無扣如縮短期限刊費不退未繳費者恕不登載

一凡登載廣告者隨送本處政報一本一星期內不另取資



湖南政報目錄

電令

大總統令 京 璽卅 電

大總統申令 京 璽卅 電

內務

巡按使飭余聯輝等六十員政府公報登載該時等第四屆知事試驗審查合格由

巡按使飭財政廳准 內務部咨復零陵隊兵余煥章等堵匪陣亡准予照例給卹由

巡按使飭零陵知事准 內務部咨復零陵隊兵余煥章等堵匪陣亡准予照例給卹由

巡按使批辰沅道尹詳淑浦知事勘報龍潭鎮水災情形請予賑卹由

巡按使批財政廳詳臨武水災衝沒田廬淹斃人命請賑乞核示由

巡按使批湘潭知事據湘潭周之楨稟為賭熾害切公懇嚴禁由

巡按使批開濟導河船長詳請解職修治坟墓由

巡按使批芷江縣知事據芷江陳永祥稟控陳永麟買兇謀殺懇飭究辦由

巡按使批高審廳據武岡丁希鴻稟為紳橫官庸濫權捕禁由

司法

巡按使飭 高等廳 四道尹 准 司法部咨行更正縣知事辦理命盜案限期及懲獎暫行規則各條謄寫錯誤由



巡按使批長沙地檢廳據熊贊勛等稟控長沙地檢廳看守所長楊讓德違法舞弊由

巡按使批長沙地檢廳據王成章稟控長沙地檢廳看守所凌虐人犯由

### 實業

巡按使飭湘江道道尹承准 農商部咨復本公署咨據瀏陽縣知事詳請解釋關於二人以上合資營業註冊事項一案希查照飭遵由

巡按使批發武陵道道尹據南縣曹明耀等稟楊餘慶等違禁強修懇飭拿辦由

### 教育

巡按使飭四道道尹據省立甲種工校附屬乙種工校校長蔡湘詳陳兩校招考廣告并懇登報通飭各縣由

巡按使飭四道道尹據省立甲種商校校長王鳳昌詳添招新生懇請通飭由

巡按使飭師範學校校長及武陵辰沅道道尹長沙縣知事准 教育部碼電本部開全國師範校長會議希飭國立省立縣立師範學校校長如期蒞會由

巡按使批衡山縣立中學校校長向劭詳爲招補插班學生乞賜核咨由

巡按使批武陵道詳責岳陽縣立中學校乙班畢業表冊懇核轉由

巡按使批衡山知事羅良經詳報公立女子高等小學校甲班學生楊坤元等修業期滿應否攷試畢業懇核示由

### 雜件

公電 (八則)



# 電令

大總統策令 電京

畢桂芳授爲中卿此令

陳籙授爲少卿此令

張鳳臺王禁同均授爲少卿此令

趙從蕃授爲上大夫此令

雲南巡按使任可澄電呈政務廳廳長劉顯治因病懇請辭職劉顯治准免本職此令

任命陳廷策爲雲南政務廳廳長此令

大總統申令 電京

國家設官分職所以爲民而官與民切近之事無過審判官不留獄則民氣昭蘇官多積案則民情怨鬱故法官之賢否人民之休戚係之得失昭然可以考見中國地廣民衆獄訟至繁遍設法庭難得如許人才改組之口未籌全局欲速不達苟且圖成官不得人民受其害皆始基不善有以致之而司法之爲人詬病遂至無可解免自上年迄今迭飭司法部力加整頓稍有條理而人才不足故任用法官尙不免多所遷就至審判遲延之弊前經剴切詰誡應知儆懼仍恐日久生疏陽奉陰違自非嚴密考覈勸戒兼施不足以挽錮習而促進行查京外法庭原有訴訟月報應由司法部及各省巡按使有監督司法之責者將各該法庭受理案件分別已



結未結摘由彙總按月呈報用資親覽予得以周知民隱整頓官方京外法官及兼理司法之縣知事儻敢疏視民瘼審理逾限甚至不知自愛藉案營私各該管長官應即據實彈劾立予嚴懲其聽斷明慎結案迅速之員亦應秉公荐剡優加獎勵總之用人惟口其成績絕無新舊之區分司法力求其便民期合獨立之資格古人論法義以適合人心爲政治之要予所好惡一以民意爲源法權所寄責有攸歸信賞必罰不稍假借其各懍之此令

據外交內務財政農商各部呈稱自歐戰發生以來國內商務蕭條稅釐短絀外交困難人心浮動近自中日交涉謠言繁興抵制日貨時有所聞甚非修好睦隣之道陳請核辦前來查中外互市有無相通爲彼此公共之利益設有抵制即雙方受其同害非一方能獨無所虧況歐洲各邦友不幸失和以致商貨滯銷金融梗阻我國稅釐短收甚鉅而鎊價增高償款數目亦從之而漲際此時局詎可再生枝節使國帑商業同受無形之損失而予人以不良之感情且思想過於簡單適爲借端煽亂者所利用淆惑聽聞妨碍治安尤爲可慮遭時多難正宜講信修睦以維持永久之平和豈可徒逞意氣牽動大局前曾迭降明令並密電飭各省官吏設法開導分別查禁近據湖北將軍段芝貴巡按使段書雲呈報該處自經奉令勸禁商業已如常相安各省亦宜一律辦理乃聞抵制餘波仍未盡息殊爲可惜凡我國民雖各具愛國之誠仍宜有利害輕重之識別一朝之忿明哲不取務各安分營業勿生歧視勿挾猜嫌著各該將軍巡按使遇有抵制外貨及排局外人之舉務竭誠諭禁遇有擾亂行爲切實查辦勿使商民重



受苦累國交增生困難將此通令知之此令

右六月二十九日電

大總統策令

陸軍部呈准留任署察哈爾都統何宗蓮咨擬以圖魯巴圖陞補佐領請予准補等語應照准此令

大總統申令

京電

茲制定森林法施行細則公布之此令

右六月三十日電

謹按

大總統命令本報係照京電號碼譯出間或電碼有誤關係甚大應俟政府公報寄到隨時查對更正







# 內務

湖南巡按使公署飭

爲飭知事案查該員○○○經 前巡按使劉於第四屆知事試驗以○○○○○○保

薦免試并經 內務部彙送 知事試驗主試委員會審查合格呈奉

大總統批令呈悉交內務部查照辦理并由政事堂銓敘局查照名冊并發此批等因奉此於

六月十三日政府公報刊佈到湘合行飭知飭到該員即便知照此飭

湖南巡按使陶思澄

右飭 (照後開名單分填) 准此

湖南巡按使印

中華民國四年六月二十五日

余聯輝 歷任繁劇允推循良

楊啓勳 爲守兼優體用俱備

傅良弼 果敢廉明成績素著

張立德 安民戢匪治邊幹才

黎 瑛 緝捕勤能堪勝邊要

譚嗣穆

久任邊邑辦匪有功

陳思材

政舉民安才堪理劇

夏柏華

悃悃無華盡心民事

劉鼎元

讞獄才長政聲卓著

章 琰

才猷幹練諳習外交

徐世鏞

奪勉圖功克勤厥職

鄧蔚森

治術精深才足治劇

吳耀椿

才識過人堪勝繁要

高建塲

才學兼優深明治體

陳若尙

才優守潔經驗素深

程維嘉

才猷敏練學識明通

陳景熹

才具練達吏事精勤

邢彥彬

學有本原通達治體

彭鍾善

幹練有爲精研治理

范鴻荃

才具優長深明法理

宋之炳

學識優長治邊著績



雷以動

歷宰劇邑治行素優

陳保頤

政平訟理懋著循聲

劉華瓊

治繁理劇雅擅長才

李景綱

勤政愛民不愧良吏

羅捷

才具穩練治理精通

王松疇

精細明敏法學素優

范慶頤

久任繁要治績炳然

張孝恮

著績邊疆堪膺艱鉅

高鐸

禦匪捍患膽識兼優

程華林

撫字有方辦賑得力

阮開銓

經驗素裕所至有聲

錢佩青

精神幹練因應咸宜

陳濬

戢匪綏民成績昭著

陳樹勛

辦事勤明具有條理

陳懋功

清訟恤民勤慎素著

孫舉璜

品學兼優勤恤民隱



皮大猷

保商緝盜兼擅外交

馮紹曾

治術優長綜核精密

周介祉

理財治民交擅其長

高孝禕

才長綜覈治民有方

姚良楷

老成穩練能得民心

周振成

政平訟理素有能聲

趙增訓

精明幹練治績炳然

張雲

捕務勤奮邊宇乂安

高紹京

樸實精明果于從政

趙開勳

勤政愛民允推良吏

王寶書

慈祥愷悌廉正可風

程大澂

學識宏通盡心民事

吳劍佩

勤求治理措置咸宜

趙文元

緝捕勤能堪膺邊要

胡應雲

歷膺繁劇所至有聲

曾寶豫

學優才長富有經驗



梁鴻藻

品學兼優才堪治劇

孟應奚

才猷卓越治術優長

沈宗茂

才具練達吏事精勤

王作善

勤明穩練措施裕如

陳文琪

長於治術辦事認真

桑宜

學識優長經練素裕

翟熊書

事理明通才識敏練

共六拾員

湖南巡按使公署飭

爲飭知事案准 內務部咨開准咨陳零陵地方夙稱盜藪匪徒竄踞出沒靡常本年三月十八日該縣游擊隊長李楚平帶隊赴鄉放哨行經小冲地方遇匪百名該隊長帶隊前進堵截斃匪三名匪勢猛厲以致隊兵余煥章鄧漢雲韓星樓賀雲貴賀仁甫等五名中槍陣亡屍被殘毀死事情形至爲慘烈劉占魁一名被匪彈傷要害雖未成廢亦屬可矜由該縣知事趙開堦檢同事實表詳請咨陳核卹等因到部查隊兵賀仁甫等五名禦寇捐軀核與警察官吏卹金給與條例第三條第一項相符應按第六第九兩條之規定並照附表第一號各給與一次卹金一百元及遺族卹金五年每年五十元其受傷之隊兵劉占魁一名被匪彈傷尙未成廢



核與卹金第五條第二項相符應准照第八條之規定並附表第一號巡警之例給與一次卹金五十元以示體恤而昭激勸除彙案知照財政部外相應咨復其卹金卽希由貴巡按使查照發給可也等因准此除由本公署將陣亡隊兵余煥章鄧漢雲韓星樓賀雲貴賀仁甫等五名應得一次卹金暨遺族卹金並受傷隊兵劉占魁一名一次卹金各項証書分別填就飭發零陵縣知事轉給具領外合行飭知飭到該廳卽便遵照此飭

巡按使陶思澄

右飭兼代財政廳廳長唐人寅准此

湖南巡按使印

中華民國四年六月二十五日

湖南巡按使公署飭

爲飭發事案准 內務部咨開准咨陳零陵地方夙稱盜藪匪徒竄踞出沒靡常本年三月十八日該縣游擊隊長李楚平帶隊赴鄉放哨行經小冲地方遇匪百名該隊長帶隊前進堵截斃匪三名匪勢猛厲以致隊兵余煥章鄧漢雲韓星樓賀雲貴賀仁甫等五名中槍陣亡屍被殘毀死事情形至爲慘烈劉占魁一名被匪彈傷要害雖未成廢亦屬可矜由該縣知事趙開堦檢同事實表詳請咨陳核卹等因到部查隊兵賀仁甫等五名禦寇捐軀核與警察官吏卹



金給與條例第三條第一項相符應按第六第九兩條之規定並照附表第一號各給與一次卹金一百元及遺族卹金五年每年五十元其受傷之隊兵劉占魁一名被匪彈傷尙未成廢核與卹金第五條第二項相符應准照第八條之規定並附表第一號巡警之例給與一次卹金五十元以示體恤而昭激勸除彙案知照財政部外相應咨復其卹金卽希由貴巡按使查照發給可也等因准此除飭知財政廳外所有陣亡隊兵金煥章鄧漢雲韓星樓賀雲貴賀仁甫等五名應給一次卹金暨遺族卹金並受傷隊兵劉占魁一名應給一次卹金各項証書茲已由本公署分別填就合行飭發飭到該知事即便照收轉發各該遺族及受傷人具領仍將發給日期具報備查此飭

計發  
陣亡隊兵金煥章等五名一次卹金  
陣亡隊兵余煥章等五名遺族卹金  
受傷隊兵劉占魁一名一次卹金

五紙  
五紙  
一紙

巡按使陶思澄

右飭零陵縣知事趙開壩准此

湖南巡按使印

中華民國四年六月二十五日

巡按使陶批



批辰沅道尹詳淑浦知事勘報龍潭水災情形請予賑卹由

據詳已悉查淑浦龍潭鎮水災已於該道尹初次詳文內批准動撥稅款壹千元辦理急賑並電部飭縣遵辦嗣據該知事將查勘被水冲壞田畝列表報署又經批道查照災歉條例委員覆勘各在案茲復據該道尹轉詳前來仰即遵照該條例辦理分別咨報並飭該縣知照繳

批財政廳詳臨武水災衝沒田廬淹斃人命請賑乞核示由

據詳及清册均悉查臨武水災衝沒田廬淹斃人命前已彙案呈咨備案並飭衡陽道尹委員會縣覆勘具報各在案應否蠲緩租稅頒發賑款俟該道尹詳覆再行核辦繳册存

批行湘潭縣知事據湘潭周之楨稟爲賭熾害切公懇嚴禁由

稟悉查商店操縱匯水買空賣空節經湯前兼使暨劉前使迭次出示嚴禁厲行取締已不啻三令五申本年五月劉前使任內訪聞湘潭市總錢商有私做空盤情事又經委員會縣督飭商會嚴予查禁在案據稱該縣錢商協和成等家以錢價漲跌私相賭賽獲利數萬萬義生等店以賭負巨額幾釀人命殊屬敗壞市面干犯刑章查閱粘單均有店舖姓名可指其事必非無因該縣距省不過百里且距委員查辦之時爲期不過三旬而市儈奸商竟敢明目張膽私賭空盤該縣知事及商會何竟形同聾瞶毫無覺察殊不可解據稟前情仰湘潭縣知事督同商會查照稟控各節逐一澈查明確分別罰辦限五日內明白具復核奪毋稍泄延致干未便切切此批副稟併粘單抄發



批開濟導河船長詳請解職修治坟墓由

據詳已悉查該船長任事數年對於職務上一切手續均能實力整頓洵堪嘉尚現因先人墳墓就圯懇請銷差回籍修治當係實情應卽照准候派員接充可也繳

批芷江陳永祥稟控陳永麟買兇謀殺懇飭究辦由

前據該民具訴到署業經明晰批示在案陳永祥果有賄囑陳亮哇等行兇謀殺情事并有字據及過付可憑控縣有案該縣知事身任地方對於人命要件豈能託人私和所稟殊不足信惟案懸四載久不訊結亦殊不成事體仰芷江縣知事勒集人証審擬究報此批副稟發

批武岡丁希鴻稟爲紳橫官庸濫權捕禁由

稟悉丁翊龍虧欠鐵路股款該民代立承擔字據丁翊龍逃匿無蹤該民既爲保證人當然負賠償之責惟此案既經該縣知事判令賠償二十五股何以劉澤霖等又勒令再賠十餘零股且爾兄丁立堦果與股款毫無關係何以逕予逮捕拘押查閱所錄縣批明指爾兄爲代理人自不得置身事外惟據稱劉澤霖等干預法權是否事出有因自應澈底查究仰高等審判廳轉飭武岡縣知事錄案復奪此批副稟發







# 司法

巡按使陶飭

爲通飭事案准 司法部咨開查五月十八日發本部第六七一號通咨內附縣知事辦理命盜案限期及懲獎暫行規則一件該規則第三條內開依懲治盜匪法施行法第二條第二項得電請核准者等語係依懲治盜匪法施行法第一條得電請核准者謄寫之誤又第十五條第三項內開依修正刑事訴訟審限規則第十二條第二項行之等語係依修正刑事訴訟審限規則第十二條第三項行之謄寫之誤相應更正即希 查照並飭屬遵照等因准此查此案前准 司法部咨行到湘業經通飭遵照在案茲准前因除分行并登報刊布外合亟飭仰

該廳知事 即便遵照 此飭


巡按使陶思澄

高等審判廳

右飭四道知事

各知事

准此



中華民國四年六月二十五日



巡按使陶批

批熊贊勛等稟控長沙地檢廳看守所長楊讓德違法舞弊由

稟悉前據王成章以凌虐濫權等事具控看日劉子雲到署當經批行長沙地檢廳秉公查復在案據稱看守所長楊讓德舞弊肆虐各節核與王成章所稟大致相同查楊讓德屢次被人控告案關官吏違法瀆職虛實均應澈究未便稍予姑容仰長沙地方檢察廳併案澈查秉公究辦尅日具詳復奪此批副稟發

批湘潭王成章稟控長沙地檢廳看守所凌虐人犯由

稟悉查監獄爲執行刑罰之地與看守所之暫行留置者迥不相同據稱爾兄王斐章因事羈押長沙地檢廳看守所因看日劉子雲入所檢查衣物出頭辯詰致被凌虐并撥收模範監獄各節是爾兄並非已決之犯何以輒被撥監殊不可解所稟辭出一面保無另有別情仰長沙地方檢察廳秉公查明具復核奪此批副稟發



# 實業

湖南巡按使公署飭

爲飭行事案准 農商部咨開接准咨稱關於二人以上合資營業註冊事項現據瀏陽縣知事詳稱疑義甚多請就條等分別解釋據情咨請核復等因查該縣原詳第一疑問內稱合資營業註冊後應否令於商號標明股分有限公司字樣等語合資營業與無限公司或兩合公司相當並非股分有限公司此層顯有悞會其應否令於商號中標明何項公司字樣自有商人通例第十七條之規定當然適用惟該條之規定並未附有罰則仍宜注意妥辦原詳第二及第四疑問均由謬引股分有限公司之規定致疑爲不合來咨既聲明其謬悞本部自無庸贅述又原詳第三疑問內稱舊設合資營業若照部文無庸註冊勢必已註冊之合資商號均退還執照等語二人以上合資營業易生糾葛自應註冊以明其責任信用爲之正始豫防本部前咨所稱條例施行前成立之合資營業可無庸註冊一語係專指前曾依照舊例立案給示認與註冊有同一之效力者而言其餘均不在此限自當遵例註冊無從藉口請求退還執照且在資本五百元以上之大商人如因欲表明其資格信用起見自願另遵新例註冊固應仍聽各該商之自由一律令得享有新法保護之利益亦自不能却拒茲准前因相應依據法令分別解釋咨行貴巡按使查照飭遵此咨等因查此案劉前巡按使據詳咨部並經按照公司條例酌予解釋仍飭核復飭遵在案茲准前因合行飭仰該道尹即便轉行遵照此飭



巡按使陶思澄

右飭湘江道尹

准此

湖南巡按使印

中華民國四年六月二十六日

巡按使陶批

批發武陵道尹據南縣曹明燿等稟楊餘慶等違禁強修懇飭拏辦由

此案劉前巡按使任內飭據南縣知事詳復稱縣屬天成垸田畝錢糧居全縣之半現未修竣之新成垸正當辰澧川三水入湘要道若任其釘頭匪唯阻塞水道且恐新堤不固舊堤亦蟬聯牽潰城池倉庫在所不保等情當以應如何預爲禁阻以全水道而免爭端飭道復加查勘妥議飭遵在案據稱現經該道委查該垸堤埝形勢確係新築并非加高其阻礙情形均與縣詳相符而楊餘慶等仍敢招彪搶築如果屬實自應趕緊嚴禁釘修以免牽潰仰武陵道尹迅將查勘辦理情形詳明具復並飭縣妥爲防範毋任滋生事端是爲至要此批

副稟發



# 教育

湖南巡按使公署飭

爲通飭行事案據省立甲種工業學校暨附屬乙種工業學校校長蔡湘詳稱竊敝校前擬訂甲乙兩工校招考新班廣告稿冊於民國四年五月二十七日以詳爲查陳甲乙兩工校本年招考新班學生廣告稿詳請鑒核批准發還排印郵寄各縣張貼招考並懇准予由湖南政報通飭各縣知事公署出示曉諭事具詳大署旋於六月初五日奉批發副詳批開詳悉查閱所擬招生廣告尙無不合惟乙工校學生學費前據該校長詳請減免當經批示酌量減收在卷仰卽斟酌情形妥擬數目將乙校廣告第九條更正另詳查候核准發布此繳廣告稿附還等因奉此敝校已於前奉大署批准酌量減收之後隨以詳爲陳明附設乙種工校學費詳擬酌量減收改爲二元並懇據情咨報 教育部認可仰祈批示飭遵事先於五月二十九日具詳大署嗣五月初八日卽奉批發副詳批開詳悉查 部頒實業學校令第十條內載實業學校學生應納學費但得視地方情形酌量減免該校乙種學生三年內繳費六元前據該校長詳報情形請予免收經劉前使批准酌量減少各在案茲據詳請減至每學年每生征費二元分兩期繳納事屬可行應予照准查招考廣告業經詳由本署查核發還仰卽於該廣告稿內征費條文下改爲收費二元排印發布另查備查此繳等因奉此遵卽謹將乙校廣告稿內征費條文下改爲二元與甲校廣告先後發交商店排印茲甲乙兩工校招考新班廣告均經遵照



大署核准原稿及批飭改正乙校第九條征費條文下改爲二元字樣業已排印藏事亟應郵寄湖南全省各縣知事公署代爲張貼以便招考並申前情仰懇大署准登湖南政報通飭各縣知事公署於代爲張貼時并剴切出示曉諭該縣屬學生有投考甲乙兩工校新班資格者須知甲乙兩工校係湖南省經費所設立爲全省地方甲乙兩種工業教育唯一之機關凡屬湖南所轄各縣均宜有學生在校修學以推廣甲乙兩種工業教育而爲振興實業之始基務各如期來校報名投考以重工業而培人材所有詳費甲乙兩工校印成廣告請予備案及懇准登湖南政報通飭各縣知事代貼並出示曉諭各緣由理合具文詳費陳明爲此詳請察核施行是爲公便謹詳等情據此除批詳件均悉此項招考廣告既由該校逕寄各縣知事公署代爲張貼並准再飭道轉飭各縣詳切曉諭以資周悉仰卽知照繳印發并分行外合行飭仰該道尹卽便飭屬遵照辦理此飭

計發甲乙兩工校招考廣告各一份

巡按使陶思澄

右飭四道道尹

准此

湖南巡  
按使印

中華民國四年六月二十六日



湖南巡按使公署飭

爲飭行事案據省立甲種商業學校校長王鳳昌詳稱竊本校上年所招預科學生至本年暑假修業期滿秋季始業須升入本科應即添招預科一班以爲來年升學之預備並期學級之銜接茲將招生廣告文稿草就繕呈擬請鈞署核定發由本校遵照印刷郵寄各縣知事公署轉布鎮鄉一面懇請鈞署登報通飭各縣知事廣爲張貼庶邊遠學生不致向隅而商業教育得以普及也所有本校添招新生並懇通飭緣由理合備文詳請鈞署察核批示祇遵實爲公便謹詳等情據此除批詳悉該校添招預科查閱廣告尙無不合應即由校印刷郵寄各縣知事公署轉布鎮鄉一面俟由本署分行各道尹飭屬廣爲張貼仍准發登政報俾資周悉繳印發外合行飭仰該道尹即便飭屬遵照辦理此飭

湖南巡按使陶思澄

右飭四道道尹 准此

湖南巡按使印

中華民國四年六月二十六日

湖南巡按使公署飭

爲飭知事案准 教育部禡電內開本部擬辦全國師範校長會議業經擬訂規程十二條於



本月二十一日呈明在案茲定於本年八月十日在本部開會會期半月各省師範校長以國立省立縣立者為限旅費得由公費支給務希迅飭各校長如期蒞會為荷餘文詳等因准此合行飭仰該校長即便遵照知事轉飭所屬該縣縣立師範學校校長如期蒞會所需旅費應准以公費支給此飭

巡按使陶思澄

高等師範學校校長

省立第一師範學校校長

右飭 省立第一女子師範學校校長

武陵道道尹  
長沙縣知事

准此

湖南巡按使印

中華民國四年六月二十六日

巡按使陶批

批衡山縣立中學校校長向劼詳為招補插班學生乞賜核咨由

詳册均悉查閱所賣學生名册除顏叔惠一名曾在積誠中學肄業兩期應准插入丁班肄業外其餘各生均無中學二期以上之資格不能插入丁班該校係縣立中學一切事項應先詳由該縣知事轉報以符程序併仰知照繳名册發還



批武陵道詳資岳陽縣立中學校乙班畢業表冊懇核轉由

詳表均悉查此案前據該縣前任知事曹作弼以該校乙班學生於清宣統三年正月開學扣至民國四年二月足四學年適合新章畢業程度等情據詳到署當經劉前使批准在卷茲據詳稱該校學生已於三年十二月舉行畢業試驗等語既與原詳不合亦與定章不符應即將該生等留校補習兩個月再行送具表冊資署核辦仰即轉飭遵照繳表發還

批衡山知事羅良經詳報公立女子高等小學校甲班學生楊坤元等修業期滿應否攷試畢業懇核示由

詳悉該縣女子高等小學校甲班學生楊坤元等二十四名自元年七月入校之日起扣至本年八月適足三學年各科功課既可如期授完應准考試畢業屆時應由該知事派員監試以杜冒濫仰即轉飭知照繳







# 雜件

公電 (八則)

各省巡按使鑒准黑龍江巡按使漾電稱箇電悉查調查會規則第一十三四條之規定各調查名冊須由到會決定之各該調查員及會長署名蓋章並蓋用調查會圖記前准貴局咨復江蘇咨詢在冊何處署名蓋印據稱已訂在名冊程式等語茲遍查名冊程式只有監督蓋印地方並未註明調查會在何處蓋印會長在何處署名又冊內調查員署名一欄係按執行調查之一員抑係到會決定之各該員應用在卽無憑遵辦等因查初覆選調查會圖記應蓋用於初覆選舉區選舉人及被選舉人調查名冊年會一行初覆選選舉監督印信之下業於本局咨送初覆選舉區調查會圖記文內聲明在案各項調查名冊內每行調查員署名一欄係由執行調查之該調查員署名其到會決定造冊之各該調查員應於調查名冊之末篇前半幅第一行由各該調查會會長署名蓋章第二行以下應就調查員之多寡每行酌列調查員二員或三員由各該調查員署名蓋章如調查員人數過多此幅不敷分列時可於末篇之前另加空白紙一篇仍以調查會會長列第一行以下分列調查員由各該會長及調查員分別署名蓋章以昭劃一除電覆外合行通電查照辦理國民會議事務局籌備立法院事務局勸印

各省巡按使鑒准廣東巡按使咨詢吳川縣十區坡口地方係法國租界其住居該地之人民



應否准有選舉權一節查租界雖有條約關係究屬中國領土應仍照前次國會成案辦理所有該處居民除已入外國國籍者外如備具法定資格均請酌量設法調查入冊除電復外相應電達查照辦理辦理國民會議事務局籌備立法院事務局宥印

鳳凰轉乾城廖印事卅電悉據稱該縣山水陡發沿河田畝橋梁均被衝壞等情聞之殊爲軫念仰卽親往查勘如有受災戶口務須妥爲撫卹衝壞之田畝橋梁亦應設法趕修完善再卽日發水遲至旬日始報殊屬玩視併電申斥將軍湯東

長沙將軍巡按使財政廳長湘江道尹鈞鑒頃據距縣百里洞口保衛團報稱敬日晨上湘突發洪水冲毀該市房屋百餘戶人民漂失尤多災情極重請卽勘撫等情知事立即馳往踏勘一面設法賑濟縣城咨請守備四營營長照料餘郵詳武岡知事高遂泌叩宥印

長沙巡按使財政廳長鈞鑒頃據陝口分卡收核員吳國鈞來局報稱該卡敬日突被洪水冲毀公款什物藐然無存該員因護大票未及趨避漂流數里遇救出險請勘核奪情極可憐局長已與知事馳往會勘另文詳報武岡局長汪廷敷叩宥印

長沙將軍巡按使鈞鑒常德近雨兼旬河水驟漲正形危險惟盼天霽水落庶無意外謹聞武陵道尹余棠叩東

寶慶轉武岡高知事宥電悉據稱該縣洞口洪水爲災聞之殊深憫惻仰卽親往查勘妥速撫恤用蘇災黎而釋軫念將軍湯東



常德余道尹東電悉據稱常德河水驟漲正形危險聞之殊深軫念仰卽督飭該縣知事趕將堤垸妥爲防護毋任有生意外是要將軍湯東







廣告

湖南官書報局新出各種書目表

啓者本局開辦一年以來定立編譯搜訪專章一時鴻碩相與編校寫定外間藏稿亦多聞風投送佳書秘冊日益浸多將擇尤印刷公諸同好除本局自印圖書集自報告外恐世人不盡周知用更擷取已經寫定及正在印刷者臚列目錄刊諸報端供留心文獻諸君子之快觀一俟印刷全竣再規定價目列表登報聲明茲將編譯搜訪兩項之書依目下寫定印刷兩項分別析注如左其正在編譯寫校者不與焉

本局編譯書目

易表一卷

易釋五卷

周易大象吟一卷

禮記大學古微一卷

中庸大義一卷

十二律相生表一卷

三禮注引漢制疏證八卷

歷朝經學三卷

經學研究法前編三卷

文字源流一卷

寫定	漢壽易順豫撰
同上	漢壽易順豫撰
同上	蕪水南奉春撰
同上	漢壽易順豫撰
同上	同上
同上	同上
同上	長沙皮嘉祐撰
同上	羅田王葆心撰
同上	同上
出版	長沙胡棟華撰



史贊二卷

寫定 湘潭王闓運撰

通史前編十卷

同上 益陽陳鼎忠同撰

天完國志七卷

同上 羅田王葆心撰

老子述韓二卷

同上 長沙吳嘉瑞撰

變理芻言二卷

同上 蕪水南奉春撰

湖南三家詩鈔十六卷

同上 甯鄉程頌萬編

古文詞通義二十卷

同上 羅田王葆心撰

海牙萬國保和會約章三卷

同上 漢陽劉文彬譯

衛生學一卷

同上 蕪水郭炳衡編

動物昆蟲學一卷

同上 同上

法蘭西兩少年愛國游歷記二卷

同上 衡陽劉向日譯

本局搜訪書目

墨子曹氏箋十五卷

出版 長沙曹耀湘撰

讀駱論世二卷

印刷 同上

雲山讀書記二百四十卷

寫定 武岡鄧繹撰

幕府瑣言五卷

出版 同上

藻川堂文集十五卷

寫定 同上

藻川堂詩集五卷

同上 同上



野蠶錄二卷

果園害蟲圖表一卷

說猪一卷

說肥一卷

墨子備城門備梯備水諸篇脫誤訂正五卷

墨子尙書古義三卷

無冤錄輯注二卷 日本上野圖書館鈔出本

鏡齋隨筆四卷

本局寄售書目

鹿川田父集五卷 家刻本

傳魯堂詩初集三卷 新水湯氏刻本下同

傳魯堂詩二集四卷

寧夫容室駢文四卷

傳魯堂文外集六卷附箋啓二卷

觀二生齋隨筆二卷

便陝記二卷

使浙記一卷

同上 王元紹編

同上 衡陽左雛麟編

同上 同上

寫定 長沙胡兆熊撰

出版 同上

寫定 歸安沈家本參校 羅田王 祐輯注

同上 郴縣陳爲鏡撰

出版 甯鄉程頌萬撰

開雕 羅田周錫恩撰

下同 同上

同上 同上

同上 同上

同上 同上

同上 同上

同上 同上

湖南官書報局謹啓



## 湖南政報處通告

本報爲預防省城內送報夫役侵蝕報費起見特製有二聯收費據若干紙以一聯存本處備查以一聯給各閱戶收執茲定自七月一號起凡城內各閱戶欠繳報費本處卽按月照數填寫收據月終卽酌派安人持向催收務望各閱戶憑此收據交費如無此據而私自交付者本處概不認賬此白

### 本處緊要啓事

本處爲稽查報費防報差浮冒侵蝕起見特製有二聯定報單一紙以一聯存根備查以一聯交定報者填寫後照單發報嗣後購報諸君親來本署發行所訂閱本報務請照式填寫若係在外向報差面訂者亦請將姓名住址定閱之份數暨期限以及當付報費若干詳細開條交報差帶回以憑換填定單照送如無定單概不發報用特聲明此啓